

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- संसद दा स्यालें आह्ला इजलास अज्जै थमां शुरु होआ करदा ऐ। सरकारै आखेआ ऐ जे ओह 26एं दिनें दे इस इजलास दरान कुसै बी मामले पर चर्चा लेई तैयार ऐ।
- प्रधानमंत्री नरेन्द्र मोदी होर अज्ज नमीं दिल्ली च वैश्विक सैहयोग सम्मेलन दा उद्घाटन करडन।
- लेफ्टिनेंट गवर्नर मनोज सिन्हा होरें समाज च रमानदारी, बरोबरी ते सब्बने लेई न्याह जकीनी बनाने लेई संत कबीर उंदे जीवन ते सिक्खयाएं कोला प्रेरणा लैने दा आह्वान कीता ऐ।
- मुख्यमंत्री ओमर अब्दुल्ला होरें सांस्कृतिक पन्छान दे संरक्षण ते आर्थिक विकास गी बढ़ावा देने च दस्तकारिएं दे महत्व पर लोऽ पाई ऐ।
- रोहिंग्या लोकें गी संपत्तियां कराये पर देने दे मामले च जम्मू च 5 लोकें ते जिला मैजिस्ट्रेट दे हुक्मं दी खलाफवर्जी करने दे आरोप च 14एं जनें खलाफ कार्रवाई कीती गई ऐ।

<><><><><><>

Paliament Session

संसद दा सयाले आला इजलास अज्जै थमां शुरु होआरदा ऐ। 26एं दिनें तगर चलने आले इस इजलास च 14 बैठकां होंगन। हालाके 26 नवम्बर गी संविधान दिवस आले दिन संसदी दी बैठक नेई लगगोग। संसद दे दौनें सदनें दा सुचारू ढंगै कन्नै संचालन जकीनी बनाने लेई बचार बमर्श लेई नमीं दिल्ली च सरकार नै सर्वदलीय बैठक सददी। बैठक मगरा पत्रकारें कन्नै गल्लबात करदे होई संसदीय कार्यमंत्री किरन रिजिजू होरें आखेआ जे इस सत्र दरान सरकार संसद च कुसै बी मुद्दे पर चर्चा करने लेई तैआर ऐ। उनें विरोधी धड़े गी लोकसभा ते राज्यसभा दे सुचारू ढंगै कन्नै संचालन च सैहयोग करने लेई अपील कीती ऐ। उनें आखेआ जे बैठक च 30 राजनैतिक दलें दे 42 नेताएं हिस्सा लैता ते हर दल दे नेता नै अपने सुझाह दित्ते। कांग्रेस सांसद प्रमोद तिवारी होरें आखेआ जे पार्टी ने उद्योगपति आस्सेआ कथित तौर पर रिश्वत घाटाले, मणिपुर दी स्थिति, बेरोजगारी ते उत्तर भारत च प्रदूषण ते होरने मुद्दे पर चर्चा दी मंग कीती ऐ।

<><><><><><>

PM Modi ICA

प्रधानमंत्री नरेन्द्र मोदी होर अज्ज नमीं दिल्ली दे भारत मंडपम च अंतर्राष्ट्रीय सहकारिता गठबंधन आईसीए दे चैश्विक सहकारिता सम्मेलन दा उद्घाटन करगंन। अंतर्राष्ट्रीय सहकारिता गठबंधन दे 130 ब'रे दे इतिहास च पैहली बारी चैश्विक सहकारिता सम्मेलन ते आम सभादा सरिस्ता भारत च कीता जा'रदा ऐ। इस मौके पर मोदी होर अंतर्राष्ट्रीय सहकारिता ब'रे 2025 पर स्मारक डाक टिकट जारी करगंन। इस सम्मेलन च कोई 3 जहार विदेशी ते भारतीय प्रतिनिधिएं दे हिस्सा लैने दी मेद ऐ। 6एं दिनें दा एह सम्मेलन दुनिया भरै थमां सहकारिता मुहीम कन्नै जुड़े दे प्रतिनिधिएं गी इक्कै मंच पर आह्नेने दा मौका ऐ जित्थें केई सारे विषयें पर सोच बचार ते विचारें दा अदान प्रदान होग।

<><><><><><>

National Campaign

सरकार अज्ज नमीं दिल्ली च इक राष्ट्रीय अभियान “अब कोई बहाना नहीं” दी शुरूआत करोग। इस अभियान च जनता, सरकार ते प्रमुख सरबन्धी धड़ें थमां महिलाएं खलाफ हिंसा गी खत्म करने आस्तै लोड़चदियां गैंह पुट्टने दा आह्वान कीता जाग। एह अभियान महिला ते बाल विकास मंत्रालय ते ग्रामीण विकास मंत्रालय दा इक सांझा जतन ऐ। अभियान च लिंग आधारित हिंसा गी खत्म करने कन्नै सरबन्धी जागरूकता फैलाने आस्तै “अब कोई बहाना नहीं” विशे पर इक फिल्म बी दस्सी जाग। महिला ते बाल विकास मंत्रालय नै आखेआ ऐ जे एह अभियान नेई चेतना 3.0 दे तैह्त्त शुरू कीता जाग तां जे लिंग आधारित हिंसा गी खत्म करने आस्तै कारवाई गी असरदार बनाया जाई सकै।

<><><><><><>

LG

उपराज्यपाल मनोज सिन्हा होरें कल कबीर भवन बिश्नाह च ऑल जे एंड के सदगुरु कबीर सभा आस्सेआ आयोजन “सतसंग समागम” च शिरकत कीती। इस मौके उपराज्यपाल होरें संत कबीर होरें गी श्रद्धांजलि भेंट करदे होई उंदे जीवन ते समाज सुधार च उंदे योगदान गी चेता कीता। उनें आखेआ जे संत कबीर हुंदे विचार, नजरियै ते दर्शन साढ़ी संस्कृति च बाकी दिए कुल संसारी कदरें ते सिद्धांते दा समावेश ऐ।

मनोज सिन्हा होरें लोकें अग्वे आह्वान कीता जे ओ संत कबीर हुंदे एकता, इमानदारी ते समाजी न्याय ते बरोबरी दा संदेश पूरे समाज च फैलाने च योगदान देन। सभा दे प्रतिनिधिएं आस्सेआ पुट्टी गेदिएं मंगें पर प्रतिक्रिया दिंदे होई उनें भरोसा दोआया जे उंदिएं सब्बने जायज मंगें पर पैहल दी बिनाह पर गौर कीता जाग।

<><><><><><>

ADGP-Jain

जम्मू जोन दे अतिरिक्त पुलस महानिदेशक आनंद जैन ते एसएसपी जम्मू जोगिन्दर सिंह होरें बिश्नाह पुलस स्टेशन दे कम्मकार ते कारवाइएं दा जायजा लैता। दौरे दरान उनें थाने दा रिकार्ड यानि मुन्शियत ते अपराधिएं पर तक्क रखने ते उनें गी फगड़ने सरबंधी सीसीटीएनएस आले नेटवर्क दा बी निरीक्षण कीता। एडीजीपी जैन होरें थाने दी बाकायदगी कन्नै जांच, रिकार्डें दा रख रखाव ते थाना परिसर च स्वच्छता बनाई रखने पर जोर दिता। उनें अधिकारिएं गी निर्देश दिता जे एनसीआर रजिस्टर समेत सारे रिकार्डें गी कन्नोकन्नी अपडेट कीता जा ते कन्नै कारवाइएं च पूरी चाल्ली पारदर्शिता ते जवाबदेही जकीनी तौरा पर बनाई रखने पर बी जोर दिता।

<><><><><><>

Omar Delhi

मुख्यमंत्री ओमर अब्दुल्ला होरें सांस्कृतिक पन्थान दे संरक्षण ते आर्थिक विकास गी बढ़ावा देने च दस्तकारिएं दे महत्व पर लोऽ पांदे होई आखेआ ऐ जे जम्मू-कश्मीर गी अपनी सगोसार सांस्कृतिक विरासत पर गर्व दे जेहड़ी इत्थुं दी रिवायती दस्तकारी कला च गैहराई कन्नै समाई दी ऐ। उनें आखेआ ऐ जे दस्तकारी ते हत्थखड्डी आहले खेत्तर इस विरासत दे महत्वपूर्ण थम्म न ते इंदे च ओकड़ी समर्थ मजूद ऐ जेहदे दम उपपर खासकरियै ग्रामीण इलाकें च आर्थिक विकास ते समाजी स्तर गी उबड़ा चुक्केआ जाई सकदा ऐ। एह दस्तकारियां नां छड़ा खित्ते दी सांस्कृतिक पन्थान दा संरक्षण करदिआं न सगुआं अनगिनत कारीगरें गी रोजगार बी उपलब्ध करोआदिआं न। मुख्यमंत्री होर वल्र्ड क्राफ्ट काउंसल दी 60मीं ब'रेगंड दे सिलसिले च नमीं दिल्ली च वल्र्ड क्राफ्ट काउंसल दे डेलीगेटें लेई उंदे आसेआ आयोजित रातीं दी रूट्टी आहली पार्टी दरान बोला करदे हे। मुख्यमंत्री होरें मेद बुज्जी जे वल्र्ड क्राफ्ट काउंसल औने आहले ब'रें च होर ऐसे संगे-मील हासल करोग जिंदा जश्न पक्क गै मनाया जाहग ते एहदे राहें जम्मू-कश्मीर च दस्तकारिएं सरबंधी खेत्तर गी होर मजबूती बी थ्होग। उनें आखेआ जे वल्र्ड क्राफ्ट काउंसल ज्नेय संगठन जम्मू-कश्मीर गी इस खेत्तर च अपनी पूरी समर्थ दा लाह ठोआने च मदाद करी सकदे न। कार्यक्रम दरान श्रीनगर च वल्र्ड क्राफ्ट हब ते दस्तकारिएं सरबंधी अंतर्राष्ट्री अजैबघर स्थापित करने लेई जम्मू-कश्मीर सरकार ते वल्र्ड क्राफ्ट काउंसल बश्कार साथ-सैहयोग दा ऐलान कीता गेआ।

इस पैहलकदमी दा मकसद कश्मीर गी इस खेत्तर च आलमी सतह पर इक अगुआ दे तौर पर पेश करना ऐ। एहदे राहें मेद ऐ जे जम्मू—कश्मीर दिऐं औने आहलियें पीढ़ियें गी बी इत्थुं दी समृद्ध सांस्कृतिक विरासत बारै जानकार बनाने च मदाद मिलोग।

<><><><><><>

Police Booked

जम्मू कश्मीर पुलस जम्मू च 5 जनें खलाफ मामला दर्ज कीता ऐ जिनें हबजन लोड़चदी जांच पड़ताल कीते रोहिये रफयूजियें गी मकान कराए पर दित्ते दा हा। इंदे अलावा साउथ जोन जम्मू दी पूर्वी सब डिवीजन च 14 जिमीं ते मकान मालकें खलाफ बी जिला मैजिस्ट्रेट जम्मू दे हुक्म दीखलाफवर्जी करने पर मामला दर्ज कीता गेआ ऐ जेहदे तैहत मकान मानक गी अपने कराए दे बारे च व्योरा पुलस कश जमा कराना होंदा ऐ। जम्मू दे जिला विकास कमीशनर हुंदे आस्सेआ जारी इक हुक्मै मूजब सब्बने मकान मालकें गी अपनी संपत्ति कराए पर देने कोला पैहले करायदारे दी शनाख्त ते जांच पड़ताल करना ते जानकारी पुलस कन्नै सांझी करना लाजमी करी दित्ते दा ऐ। एह निर्देश असमाजी तत्वेआस्सेआ समाज लेई पैदा होई सकने आले खतरै बारे बधादियें चिंताएं गी ध्यानै च रखदे होई जारी कीता ऐ। एह कारवाई नवाबाद, छन्नी हिम्मतख बाहूफोर्ट, त्रिकुटा नगर थाने हेठ पौंदे इलाकें च कीती गई ऐ।

<><><><><><>

RBI UPI

भारती रिजर्व बैंक आखेआ ऐ जे भारत नमीं तब्दीलियें लेई डिजिटल तकनीकें दा लाह ठोआने च दुनिया च अगुआ बनियै उभरेया ऐ इसकरियै संगठित भुगतान इंटरफेस (यूपीआई) दा अंतर्राष्ट्रीकरण तेजी कन्नै अगगे बधै करदा ऐ। बैंक मूजब, यूपीआई दी समर्थ च सुधार दे कन्नै अक्तूबर म्हीने यूपीआई दे राहें 16 इशारिया 6 अरब दा लैनदेन होआ, जेहड़ा मता महत्वपूर्ण ऐ। एहदे च 86 फीसद तगर दे भुगतान दी फौरी सफल वापसी शामिल ऐ। रिजर्व बैंक दे डिप्टी गवर्नर माइकल देब्रत पात्रा होरें दस्सेआ ऐ जे भारत दा यूपीआई, इक ओपन एंडेड प्रणाली ऐ जेहदे च शामिल कुसै बी बैंक दे इक्कै मोबाइल एप्लिकेशन च केई बैंक खातें दे इस्तेमाल दी सुविधा थहोंदी ऐ। एहदे राहें बक्ख—बक्ख बैंकें बश्कार इक—दुए दे कन्नै ते लोकें ते बपारियें बश्कार लैनदेन दी प्रक्रिया सहजता कन्नै अगगे बधै करदी ऐ।

<><><><><><>

Tribal Rana

जनजातीय मामले दे मंत्री जावेद अहमद राणा होरें कल जनजातीय अनुसंधान संस्थान जम्मू कश्मीर दे निदेशक होरें गी निर्देश दित्ता जे ओ एहदे तैहत बदलाव ते सुधार आलियें स्कीमें गतिविधियें गी लागू करन।

उनें जनजातीय समुदाय दी भलाई बेह्तरी, उंदी संस्कृति दे संरक्षण ते समाजी आर्थिक विकास गी बढ़ावा देने लेई उपाएं पर कम्म करने दा बी निर्देश दित्ता। प्रस्तावित गतिविधिएं च जम्मू कश्मीर दे जनजातीय समाज दे बारे च अनुसंधान ते उंदे बारे जानकारी दे दस्तावेजीकरण दा कम्म बी शामिल ऐ। जनजातीय अनुसंधान संस्थान गी जनजातीय समुदाय गी हुनर मंद बनाने ते मजूदा दौर दिएं समाजी आर्थिक चुनौतिएं ते जरूरतै मताबक अपने आपै गी तैआर करने पर बी जोर दित्ता गेआ। इस समुदाय दे नोजवानें गी अपने पेरे पर खड़ोने च मदद लेई उंदे अंदर हुनर विकास, पढ़ाई च समर्थन ते कम्म रोजगार दे मौके पैदा करने लेई बी आखेआ गेआ।

<><><><><><>